

永平府志

卷六十四
列傳上
列傳下
六十四卷七

永平府志卷六十三

列傳五 文學上

後魏

衛冀隆遼西人官國子博士爲服氏之學上書難杜氏

春秋六十三事

金

王元粹字子正初名元亮後止名粹平州人系出遼世衣冠家年十八九作詩便有高趣性習專固世事不以累其業故時輩無能當之者正大末用門資敘爲南陽酒官遭難流寓襄陽襄陽破隻身北歸寄食燕

永平府志

卷六十三列傳

文學上

一

中遂爲黃冠師有十月風霜侵病骨數家鍼綫補殘衣之句親舊有憐其孤苦欲爲之更娶者子正業已高舉主太極道院竟不能自返年四十餘癸卯九月病卒詩人淄川楊叔能輓之云匹婦主中饋雖貧生理存五言造平淡隻影臥黃昏謾下陳蕃榻虛沾文舉尊北平家世絕銜恨入荒原從弟鬱亦攻詩方之其兄蓋商周矣鬱字飛伯少日作樂府擬古別離有黃鶴樓高雲不飛鸚鵡洲寒星已曙之句人多傳之其後入京師大爲李欽叔所稱與之詩云詩句媲國風下者猶楚亂贈詩者甚多有云憶昔穎亭見飛伯

恍若夢中逢李白又云紫陁仙人今淵雲騎風御氣
七尺身又云良金原有價白璧况無瑕又云王郎少
年詩境新氣象慘澹含古春筆頭仙語復鬼語只有

溫李無他人飛伯用是頗自貴重云

中州集案甘水仙源錄云恕齋

先生姓王氏名粹字子正北平之巨族也才高而學
瞻少有詩名每一詠出膾炙人口然與世疎闊不事
舉業正大間薄遊鄴下漂泊江漢間甲午還至燕遇
真常大宗師即北面事之執弟子禮居長春宮之萃
彖堂年四十餘以癸卯九月無疾而逝不浹旬而見
夢於誠明張君其云為款曲不異平昔少焉作詩而
別云當時每恨花開早及看花開花已老花開花落
能幾何回頭又見春光好詰旦誠明書見夢之詩白
於真常真常歎曰子正仙矣聞者異之先生性恬澹
無機構廉潔貞介與人交悉待之以誠聞有道行者
雖窮居陋巷必親之嗜讀書作文尤
長於詩其古詩雖淡有陶韋之風焉

永平府志

卷六十三列傳

文學上

一一

邢具瞻字巖夫遼西人天會二年進士與吳蔡為文章
友仕至翰林待制中州集載其一詩出塞云樓外青
山半夕陽寒鴉翻墨點林霜平沙細草三千里一笛

西風人斷腸

中州集

李杭樂亭人天會初舉進士時平灤兵戈甫定民未知
學杭擇地建文廟行釋奠禮以振興學校維持風俗
為已任仕至州刺史有聲於時

鮮于仲權其先遼東人遠祖輔仕魏任漁陽太守有功
封亭侯後還本鎮子孫世居漁陽北平閒仲權世居
樂亭少博學工古文登明昌閒進士先是文廟創自

天會無鬻舍規模粗具仲權慨然謀鼎建邑人相勸
興置學館邑之人物稱盛自茲始仲權爲人重道義
有節概弟仲畢官昭信校尉

齊守信陶之後也業詞賦舉鄉進士未仕卒兄守澤弟
守素守約守澤官昭信校尉守素鄉進士守約明經
教訓鄉里

裴宗智號秀巖居士明昌閒人善書篆張守謙號天倪
老人貞祐閒人俱居樂亭善屬文並隱居不仕有古
逸民風

張介字介甫平州人正大元年經義進士第一爲國用

永平府志

卷六十二列傳

文學上

三

安參議用安表請用安幸山東上以其言示宰臣宰
臣奏用安反復本無匡復志此必參議張介等爲之

業已遷蔡議遂寢

金史附國用安傳案中州集作彭城人歷鞏穀熟三縣令幼有賦聲

爲人有蘊藉嘗贈詩人楊叔能末章云我貧自救如沃焦君來過我亦何聊爲君欲寫貧士歎才思殊減荒村謠楊初以荒村謠得名故云

元

楊紹先樂亭人中統三年進士至元中授集賢院司直
學士德行文章爲世推重嘗捐書三百六十三部於
本縣學備邑弟子員及民間俊秀諷誦子塾仕至濟
南路厭次縣尹善篆書不墜家聲見邑廟學碑

案灤州志

載至元二十六年紹先捐書學正秦本有
記延祐三年子有道捐田學正張德有記

明

宋宏道樂亭人少值元季隱居不仕講授鄉里家業泊
如恬不爲意後明興設科登洪武乙丑進士拜監察
御史有聲尋遷河南左參政以衰老乞歸琴書衣裝
惟一輓輅而已後起左僉都御史未就年七十餘卒
於家

郁瑄其先崑山人祖彥忠明初仕潮州府同知徙樂亭
父昌歲貢生瑄勤學力行天順壬午領鄉薦任知縣
仲子昕歲貢生任陵縣季子時歲貢任儀封教諭時

永平府志

卷六十二列傳

文學上

四

子從舜聰敏好學聲名藉甚歲貢授訓導一門絃誦
人以爲難云

蕭雲漢樂亭人富長子博學工古文詞貢入太學授大
同府通判膺薦舉陞河東運同遂乞歸居鄉以文史
自娛邑之銘碣多出其手子馨春任濬縣訓導發春
任磁州訓導達春任芮城主簿

白應庚字象先灤州人原名培極年數歲出口成古文
辭十一歲入泮院試以冠軍食餼歲丙戌中鄉試益
肆力於典墳書學二王所著詩文咸爲人取去後夢
有人告之曰子欲爲天榜第一人則盍更名爲應庚

乎寤卽更之未幾壬寅九月年三十六無疾而卒卒時時日皆庚辰說者謂庚應爲天上第一人云

鄭卿字省吾灤州鄉進士韶時稽古弗怠筮仕河南府判懸魚酌水衙齋閒寂與名產彈琴賦詩而已抗疏歸里力辭徵聘所著有省吾詩文集藏於家

李充桂字攀之號月樵灤州人天姿醇亮下筆千言凡三試棘闈輒奇於數由明經訓獲鹿再諭鹽山士欽蘇湖之教焉

劉景周字憲之號鳴岐盧龍人廩生幼穎異篤孝行性沈默博研今古教子義方後粹夢緋衣奉詔內記一

永平府志

卷六十二列傳

文學上

五

聯云玉碎白猶在松枯節更堅未百日卒年五十四著易義心解三卷詩文諸稿存於家

許莊字德徵灤州人登宏治癸丑進士知臨汾寶雞二縣俱有聲遷平陽同知纂修孝宗實錄及三十二郡志特委編著陞山東僉事又遣分巡遼海上安遼十
四策擢陝西參議調山西糧儲以安邊四事上言武
宗不報遂乞休埽軌著述有康衢文集一百卷梅花
百詠一卷心鑑警語一卷先天方輿圖說一卷三禮
儀注四卷

馮斗華字應垣灤州人萬曆丁酉舉人任長山令政尚

簡約公餘與學博諸生橫經問字句公文者相望以清直忤直指罷歸讀書不置所著有經書解義平平言二集以子運泰貴累封大中大夫太僕卿

張詩字子言別號崑崙山人盧龍衛民李氏子十歲避僉丁隨父母逃京師衡州同知張公抱以爲子張歿後訪盧龍得諸從兄弟哭諸祖父墓衡州卒乏嗣仍子之初學舉子業於呂柟繼學詩文於何景明聲名藉藉長安會府試士士當自負几入試詩使其家童代之試官不許遂拂衣出一意爲詩徧遊天下名勝與諸名人倡和時稱燕山豪士至汝南視何景明疾

永平府志

卷六十二列傳

文學上

六

守七月景明卒還北平所居一畝之宅擇隙地種竹每遇風雨飄瀟披襟流盼相對欣然命酌杭守李士行稱其不狂不屈不惰不驕春風不足融其情醇醪不足味其况爲文雄奇變怪覽者不敢以今人待之所著有罵鬼詰髮笑琳七子等文善行草行旭顛素師遺意岳氏雨華編以崑崙爲首云

高霄字雲冲擢之子官生任宗人府經歷霄本世胄絕無紉縠習氣餐經味道攻苦甚儒生性蘊藉雖田夫乞匄亦深愛敬事繼母庶母皆中禮有詩一卷行於世子階亦能讀父書時人比之太邱彥方云任山西

鹽運司副使晉開封周王相清望益著

張汝能字敷四灤州人事兄如父推產於幼弟訓戒諸生酷嗜詩古文詞門人王仲默嘗言奇字之學久無折質先生自蟲文鳥篆盡海彙諸書所載怪異不經見者罔弗詳其反切字義可謂博矣嗣文燦中副車王仲默中丞鎬之曾孫灤諸生也風度秀挺韶年輒喜爲詩文瘦媚若清蟬古木筆加超邁迥出人上善小楷自鐫石章細勁同漢瑒沒後郡人醵金刊其遺稿

國朝

崔魏字嶽生居遷安其先盧龍人幼孤崇正庚午郡城

永平府志

卷六十二列傳

文學上

七

陷母王氏度不能免自經依兄嫂避難兄嫂利其產百計死之賴母叔王如梅收養之王業農弗令就學年逾冠里胥欲派以役魏恥之遂發憤力學入遷安庠益攻苦徧涉經史繭足走京師受春秋於歸安尹平之先生領順治丁酉鄉薦選武邑教諭修學舍課生徒鐸聲丕振留心理學議論一宗紫陽時講學者多排詆陽明魏曰致知之學孔孟真宗且陽明先生直諫勤王功在社稷真以身講學者若隨俗以異端斥之不但得罪陽明亦紫陽所不許也年四十八卒子三璠拔貢生璣庠生璨自有傳

吉民字君祝灤州人性澹泊不慕榮祿以春秋名時應制舉兩置乙卷遂絕意進取鼎革後當鄉貢邑令促之不就家貧常閉戶靜坐生平無喜愠色手註孝經五載始就尋卒嘗曰我夫子志在春秋行在孝經我註唯知經者知我此實語也

李集鳳字翮升山海衛人友松次子幼入邑庠年十五食廩餼順治十二年拔貢生授洛陽縣丞丞故卑位毋得專民事守若令有以事委者集鳳聽斷明允以廉幹稱性端嚴淹通羣籍凡濂洛關閩之書無不究悉尤善春秋彙先儒註解討辨詳核歷三十年凡四易稟然後成凡六十五卷名曰春秋集解辨疑汪檢討楫出守河南府雅重其書新城王尙書士正亦稱其研精三傳下吏之有經學者卒於官洛陽人請從祀周公廟康熙五十三年本籍崇祀鄉賢

趙御眾字寬夫灤州人明季汀州府同知申寵長子也順治十七年與盧龍韓鼎業王墳從容城孫夏峯學函丈之間追隨二十餘年與及門諸子往復辨難皆入道之言夏峯懷友詩云寬夫善補過力爲明學地又答寬夫書云天地間只有這件事無精粗大小內外之言會得此無處非這件事聖賢隨人指點總之

是這件事五經四子任舉一語皆要歸到原原本本處易曰一致子曰一貫理也中也靜也無欲也矩也一而已矣工夫更無兩般下手處便是究竟處此言盡之矣寬夫已了了於心故了了於口不及言者三無道人悉之其見許如此當亦湯孔泊之亞其贊夏峯像云大哉吾師體易之道處困而亨爻象自考盜背暢支神和氣浩九十年來皤然逸老動靜光明與時偕遊天啓乙丙林宗太邱幼安子春維甲申秋迄今九十衛武其儔我拜斯圖敬贊斯語卽易卽身隨處皆是爻者效此象者象此不在圖外不在圖裏展

卷羲皇同人瞻企智足知師非授受薪傳於道深悟曷克道此王墳字伯生夏峯送其北歸詩有云人謂進善猛猛乃不中歇人謂嫉惡嚴嚴乃不受机亦可見勇於自治磊落難干之概鼎業字子新附父原濬傳後

衛蕃灤州人康熙辛酉舉人任曲周教諭性醇謹尤勤於訓士每逢月課必與諸生悉心講貫以疾罷官遂僑居焉士敬事如在官時

崔璨字淡餘巍子五歲而孤九歲五經成誦康熙癸酉中副車己卯鄉薦第四己丑成進士選庶吉士性恬

靜篤孝友事母色養備至嚴事兩兄長兄性剛怒卽
長跽以請非怒解不敢起自童子至爲官皆然生平
無疾言遽色雖清貴益自謙抑善詩古文詞著有式
好堂集年四十三卒於官

李澤字安瀾樂亭人天資清妙學問淵雅領康熙癸巳
鄉薦一時邑中操觚者莫出其右

姚采樂亭人延嗣子康熙閒拔貢生授內黃教諭勤於
訓誨多所成就擢國子監學正尤以振興文教爲兢
兢遷刑部司務轉工部主事以親老假歸侍膳承歡
終養盡志越十年起補工部員外郎嘗監廠務綜覈

永平府志

卷六十二列傳

文學上

十

嚴謹吏胥肅然

姚熙延嗣次子康熙戊寅拔貢生性穎悟能文章閉戶
讀書足不履市惟日手一編以課生徒後進多所造
就教子有義方長協于成進士次敷于明經次起陶
次納于俱博士弟子員崇祀鄉賢

張靈字念藝號笨仙撫甯人僑寓津門康熙四十年歲
貢生考授內閣中書兄霖爲方伯門第甲三津而靈
獨蕭然無與淡泊如山林閒人嘗科頭跣履行市中
居如村舍題曰帆齋又營別室於帆齋之右亦曰帆
齋客徵其故靈曰吾所居則帆齋也旣曰帆齋容有

常處乎人皆怪之晚自號秋水道人詩集甚富時與朱錫鬯姜西溟吳天章諸名宿相酬唱草書得米顛神骨著有帆齋逸藁晉史集欵乃書屋集綠豔亭集其姪坦壘皆霖子康熙癸酉同舉於鄉同官內閣中書坦字逸峯幼學詩於王阮亭司寇著月喚魚亭詩藁壘字聲百著有秦游詩一卷姜西溟嘗序之

徐升聞字贊堯撫甯人歲貢生候選訓導康熙戊寅裕親王祀長白山駐帷其宅傳見命坐講書論文極蒙贊賞書鴻才雅望額賜之

徐顯字闇然撫甯人少聰穎年十五邑宰月課卽蒙獎賞後以母歿哀毀致疾讀書不能聲惟默誦而已年二十四郡司馬趙公來署撫篆取冠童子軍以疾不得院試踰二年趙公又理撫篆復蒙首錄得采芹越明年食廩餼趙公延之入幕一切筆墨事委之曰徐子通才也及擢守興化亦邀與偕居數年方歸至雍正癸卯舉明經以年老不仕行誼日敦聲聞日茂年七十九而卒初康熙辛丑春

世宗在邸東祭長白山駐帷顯宅傳顯與語應對明敏欽書紹書香扁額紅藥翻階春鍊句青藜映案夜修書楹

聯賜之

衛全字慎修灤州人髫年穎異日誦萬言長舉於鄉凡諸子百家無不貫徹旁通內典著有文集詩鈔藏於家

魯捷灤州諸生悉心史傳嘗作姓氏養蒙積四五百頁不下數十萬言稿藏未刻

惠景陶字起潛灤州人廩生性醇謹雖環堵蕭然而吟哦自得幾不知爲貧且老者著有松菊詩草未刻

倪呈炎原玉旁避諱改字琳圃其先金華人明初始祖名吉者

始來樂至炎十一世矣祖法正父文表皆諸生炎矜嚴好禮毅然有志於聖賢之學爲文深於理窟不尙

永平府志

卷六十二列傳

文學上

十一

詞華教授生徒誘掖有方門人悉敬而畏之雍正癸卯貢於鄉卒授曲陽縣教諭

王業字樂亭人歲貢生文情卓越試輒冠軍李安溪先生視學畿輔最加賞識文刻入何義門行遠集中

倫可經灤州人廩貢生品卓三子也康熙三十年裕

親王賜冰玉堂扁額面詢頤養之術三十九年十月

二十一日世宗憲皇帝時居潛邸過灤

賜鹿麇諸珍命講易賦詩題爲獵馬帶禽歸限

三江韻經口占應制詩云西望旌旗出帝

邦 行輿東適涉灤江宜人紫氣迎關合市野清
風與物靡日近 青宮馳駿馬春明黑水起飛鱗網
開三面生爲德共祝 湯仁萬獸降詩出上下傳
誦父品卓精於六書經能世其家學

高履豫字奮齋號蓼劬昌黎人辛酉拔貢年少喜讀書
經史每數過輒不忘中年絕意仕進著書自娛工楷
法善屬文經其指授者學問俱有本源立品甚高而
接物以和樂亭陳明府聘修邑乘攷核精詳迄今稱
善焉

陳永清字濟周樂亭人少以孝友聞童年遊泮試輒第

永平府志

卷六十二列傳

文學上

十二

一以選拔登雍正乙卯賢書尋中丁巳明通榜六上
公車屢薦不售乾隆初授職秉獲鹿鐸下車卽慨然
以振興文教爲務時進門下士課之手定甲乙黜腐
爛尙清真一邑之文風丕變去官之日有牽裾流涕
而不能舍者其於制義一道視同性命雖盛暑嚴冬
手不釋卷一題之命諸生作有不合者必嘔心血以
易之工而後已平生著作甚富子四篔簹簫管俱有
雋才管另有傳

薛國琮字魯直盧龍人乾隆乙卯科舉人由遵化州訓
導陞山西樂平縣知縣因事謫戍伊犁放歸卒於家

所著有伊江百詠

鄭鳳翔字仞干遷安人乾隆乙卯經魁少極貧嗜讀授徒終身邑中名宿如潘文本李昌舒昌琛皆出其門至嘉慶甲戌成進士時年七十矣授山西清吏司主事其子荃廩膳生孫光裕道光丁酉亦舉於鄉著有精粹軒文稿行世

李柱字立東號灤溪樂亭人乾隆丙辰舉人少負奇氣高視闊步不肯少自貶損遠近有問學者則口講指畫無少怠倪損齋少孤招至家飲食而教誨之損齋遂成名儒著有敬恕堂稿子如松如柏皆諸生有名

永平府志

卷六十二列傳

文學上

十四

於時

李儒珍字席之灤州人乾隆辛酉以拔萃科貢成均學使極稱獎之以父艱未與朝考家居授徒益肆力於典墳經史諸子百家之書九應京兆試均薦而不售遂絕意進取於是學益富文益高名益著而遇益窮矣所著有饋貧糧百二十卷十穫園文稿四卷十

穫園詩稿一卷

溫如玉字尹亭號廉圃撫甯人乾隆甲子聯捷進士由翰林院檢討授山西道監察御史癸酉充廣西正主考陞禮科給事中轉刑科掌印給事中乙亥乙卯提

湖南北學政甲申巡視山東漕務旋以病乞假歸父
德厚慷慨有大志薄遊淮上入貲爲郎繼娶於淮生
二子次子如暄終國學生長卽尹亭也天性孝友髫
齡就傳日誦千言老生宿儒咸目爲奇器弱冠回籍
應童子試冠其軍後屢掌文衡所拔尤多卓犖之士
歷官清要廉潔自持

聖眷方隆因疾引退以永郡爲孤竹遺墟有廉讓風遂家
焉家藏書萬卷著有靜淵齋詩存行世

李文沛字南豐廬龍人乾隆丁卯科舉人家貧勤學少
時讀書無膏火資每然香以代遇塾師爲徒講論於

永平府志

卷六十三列傳

文學上

十五

旁竊聽塾師異而教之勤苦倍於諸弟子數年捷於
鄉仕爲深州學官晚年應試 欽賜翰林院檢討
李廷儀號石帆灤州人乾隆壬午舉人博學善詩迭膺
牧令二十餘年屢著循聲公餘惟耽吟咏著有杏瓊
齋詩集刊行

楊開基字亦聞樂亭人灤州籍生而聰穎讀書有奇悟
陰陽數術無不旁通乾隆戊子舉於鄉家居講學行
姚江一派遠近問道者翕然宗之乙卯成進士釋褐
選奉天教授將赴官門人請撮論學大指留備參考
乃著家塾問業一編其綱領云學者學爲人而已從

中庸探原而後人可識以大學爲則而後人可爲於
論語窺家風於孟子看作手約得七千言到官作儒
學明倫篇普告四庠以維世道正人心爲已任時比
之蘇湖教授焉平生學問淵邃不屑爲帖括之學少
時爲文邑宿學陳濟周見之卽許爲起哀振靡以爲
後勁著有共學編琴律算學等稿

宋赫撫甯人因居邑東北之野村自號東野人稱東野
先生窮而工詩中乾隆戊子科舉人性耿介不與俗
諧久困名場以舌耕爲業著有東野詩草長洲少宗
伯陶臬薌先生輯畿輔詩傳登諸首選嘗稱其詩樸

永平府志

卷六十二列傳

文學上

十六

老蒼秀爲永平獨步云

譚文彰字實夫號樵峯昌黎人生而質性端慤天資高
明凡經史子集天文地理無不淹貫而尤邃於經羽
翼程朱以力行篤實爲本居家孝友士夫咸取法焉
爲文清古拙老力挽時趨中乾隆庚寅副車辛卯經
魁試春官屢薦未售嘉慶乙丑以元薦仍未售也乾
隆閒有噓陸王之餘燼者士多尊信人以質文彰曰
陸王自有所見然不易學也其流弊愈傳愈謬吾人
自有倫常正事在終身行之莫盡何必空談必性殫
精虛杳乎一時士習因之以正家素貧教授餬口生

徒經其指示多掇巍科然皆端謹自好望而知爲譚門弟子辛酉選博野廣文訓諸生以躬行並實學人推爲經師人師戊辰告歸從學者眾遣之不肯去年七十六卒著有春秋傳述若干卷藏於家子仲璐嘉慶甲子順天解元

王昌字曜東灤州人乾隆辛卯科舉人官山東黃縣知縣不援上不虐民公廉有威不留疑獄十年不調以無力事上官告歸家居授徒專務實行農隙嘗於村廟宣讀

聖諭廣訓曰此退休者之職也適有族兄某以天爲問因

永平府志

卷六十三列傳

文學上

十七

作天論以答之略云昌之學淺何能知天而父子兄弟輩又不皆讀書此理深妙豈可易言雖然深妙不易知而大概不可不曉蓋人不知天便不惟天人不怕天何事不可作試以大概言之 廣訓十六條便是代天宣化口傳天語也蓋聞天之爲天以主宰言之只是一個理天無心也以生物爲心天無事也以生物爲事世閒萬物皆天所生而物得其偏人得其全物得其蠢人得其靈如豺狼知父子蜂蟻有君臣附之齒者不與之角與之翼者但兩其足物之所以限於物也而惟人不然以其性而言仁義禮智藹然

四端天之理備於人之性矣以其形而言耳目手足
端端好好天之氣備於人之體矣今爲父老等將粗
話比方天是一個大印板人是一張白紙印板印到
紙上一模一樣可知無一點差錯一點缺欠所以聖
人說天地之性人爲貴大家試想一想天所予之性
仁義禮智之性也而我們變作狼心狗肺之性天所
予之形聰明恭重之形也而我們變作牛面馬頭之
形是甘心自入於禽獸不成人了不成人便是得罪
天了人而得罪於天尚望有好處乎人生世上利欲
相攻作出許多欺天悖天之事天又不忍付之不管
君作之師當今

皇帝便是天下君師 廣訓十六條便是天之命教訓天下
首言孝弟固是天倫及宗族亦皆天屬必重農桑所
以勸時亮天工必尙節儉所以戒暴殄天物總之世
上許多道理無一不出於天並非當今
皇帝硬派我們孔子曰君子有三畏畏天命畏大人畏聖人
之言蓋大人是代天宣化聖人是口傳天語也昌本
不能言其深妙但願父老子弟輩遵奉

聖諭庶幾不得罪於天矣先生他事不概見讀此論而其性

情學問亦可略窺一斑矣 十五而卒所著 堂
文稿矩矱先民亦非輒近所能子承吉字佑堂廩膳
生端方和雅饒有父風孫二士珍士琛皆諸生士琛
篤志好學勇於力行咸豐初團練鄉勇以訟土棍病
卒省垣士珍現官涿州訓導

陰琦字景韓號方溪樂亭人少習舉業質極鈍功力益
專乾隆己亥用葩經領鄉薦既而自歉所學乃日課
三百字凡數年經史皆通旁及詩古文詞終身鉛槧
不離手授三河縣訓導泣任三月卽告歸闢式好齊
聚書數千卷日與昆季謙譚其中無事則茗椀薰爐

永平府志

卷六十二列傳

文學上

十九

擁書兀坐心有所感一於制義寫之比物類情獨抒
心得嘗謂此卽教子一編初不盡規規有意於文也
平生友于誼最篤待人以誠遇事直言是非不作一
周旋語然事多周折者必爲之委曲擘畫與同里楊
亦聞教授爲契交時亦聞以良知之學提唱里中每
月會講學者雲集或邀偕往辭之或請焉曰人師之
以身吾師之以心夫吾心旣師之矣又焉用此拘拘
者爲且吾懼聞之不及行而盡成耳食也日講亦奚
益哉其學之務實類如此

甯祜昌字蔭庥樂亭人乾隆壬午武解元性嗜書翰曹

文恪公嘗稱其得柳誠懸筆法平居好義行仁友于
誼尤篤子二長柏年庠生次巨年拔貢生巨年尤能
以書法世其家

吳蔭松字景嵐撫甯人生而穎異制舉文得其外王父
馮龍會孝廉之傳與其外弟馮士灝孝廉齊名由拔
貢生中乾隆丙午科鄉舉任東光縣教諭嘉慶壬戌
科成進士任河南沈邱襄城等縣知縣性豪放不與
世俛仰在襄城時郡守某同年友也知其善楷法以
書壽屏召之蔭松見札艷然曰書屏可以加札則役
我矣我不能爲人役終不往某後竟以他事中之改

永平府志

卷六十二列傳

文學上

二十一

教職遂請告歸蔭松於學無不窺而尤長於詩賦及
駢體文時河間紀文達公以鴻才碩學領袖清流蔭
松以科名出公門下受知最深居公第最久文達公
晚年著作多俾爲捉刀家故饒於貲以仕而貧然猶
踰中人產旣以不合上官歸益縱酒爲樂坐客常滿
顧於文獨斷斷寡合學者以龍門太峻恆疑畏而不
敢前王廉訪瑞徵未第時蔭松見其文遽折柬招欲
一見王造門適值其宴客豪貴滿座遽投箸起降階
出迎及肅入則一韋布年少也客相顧動色已而諸
客盡散獨留王論文至十晝夜以文必榮世賞之王

因受業於門時其從孫際昇亦有聲譽序蔭松則但以乙榜許之嗣際昇由拔貢生得雋屢蹶春闈以磁州教諭終卒如其言年八十餘卒至貧無以葬生前詩稿甚富皆散佚無存

張朋來字孚若號快亭樂亭人少負異稟學富文贍初應童子試卽三冠其曹後就學京師得與諸名公遊晨夕攻苦學益大進乾隆庚子中副車癸卯舉於鄉累試南宮高薦不售乙卯以大挑任祁州學正六年秩滿奉母歸養至嘉慶辛未始第進士時年已五十有八矣授中書舍人改官錦州府教授時關外文風

永平府志

卷六十二列傳

文學上

二十一

初闢經所指授爲文者悉有法度可觀著有紹衣堂稿行世昆弟三人朋來居長仲泰來另有傳季開來績學早歿朋來性和易善戲謔議論風生傾其座人未第時家居授徒成就者歲數十人一時稱極盛云李中淑字致軒號陶山樂亭人爲人方正言笑不苟事親以孝聞乾隆丙午登賢書嘉慶辛酉大挑一等以知縣告降明年壬戌成進士以知縣用告降選大名府教授丁內艱歸侍父疾累月不解帶父嘗泣謂曰人言久病牀前無孝子今吾以病久知孝子矣旋丁外艱邑侯呂公聘主書院講席出入必以禮自持生

徒有以訟事欲求代爲緩頰者請以百金爲壽峻拒之服闋選正定府教授在官務以講學明倫爲先凡學中應得規費皆聽其人自予絕不與爭副學不悅曰子亦赤貧何沾名若此獨不爲他人計乎淑笑謝曰吾輩俸銀每日一錢一分買豆腐喫不了何必與窮秀才較錙銖哉道光二十年卒於官貧不能治櫬有王生以其家之柏棺殮之諸生醵金送之歸所著有歷元地輿考辨古人生辰備覽明文新機槐四詩話石佛庵問業陶山詩稿集唐百首

李綸字春卿遷安人乾隆丙午科舉人性純篤讀書外

永平府志

卷六十二列傳

文學上

二十一

無他嗜好六上公車五薦不售以大挑一等籤分浙江知縣引疾不赴閒居立文社延郡邑名宿爲師友會文講藝無倦容晚於宅畔闢賓翠軒三楹爲養閒之所四山環翠百鳥鳴春書架筆牀吟嘯竟日所著賓翠軒遺稿吉光片羽人咸重之其室李氏同邑人也工詩善繪與綸詩同刻入永平詩存

劉之睿字濬川遷安人幼承祖訓篤志力學髫年入庠食餼乾隆己酉成進士授陝西鎮安縣知縣未幾告歸家居授徒成材以去者甚眾如昌黎魏勤恪昆仲及邑之馬公學賜鄭公鳳翔鄧公克興楊公寶樹皆

其高足弟子也所著有友恭堂心香集文稿行世
倪曙字方昇樂亭人呈炎子幼天資穎異讀書過目不
忘爲文援筆立就若宿構然嘗於廣坐中作盤香謎
有云要圈圈到底要點點到頭妙義雙關頗得遊戲
三昧又嘗閱諸子有爲者題文見其無新語隨更之
曰天下事焉有不可爲者混沌未分盤古開之天柱
崩頽女媧補之龍門巨險大禹鑿之云云其敏捷大
都類是方其應童子試也動置前茅踰冠得縣試榜
首郡試居第二旣而學使按臨新郡守張公蒞任出
示覆試仍以爲榜首院試榜發復第一一郡轟然次

永平府志

卷六十二列傳

文學上

二十二

年食廩餼科歲輒冠軍秋闈屢薦不售以青衿終老
人皆惜之

倪上述字又彭號損齋曙子自束髮受書甫通孝經論
語卽以古人自期所學務求心得不拘拘以記誦爲
能科舉爲事患尙書自秦火後缺殘特甚漢儒輯次
多所難通因分段碎讀錯綜參會著爲尙書存疑一
書凡諸經義蘊歷代文章以及天文樂律算法音韻
之類莫不究心其閒所著有孝經集註刊誤辨說河
洛五行圖說洪範圖說詩說存疑等韻經緯律呂大
略算法指掌及雜集數十條古近體詩一卷乾隆甲

戊邑侯晉江陳公重修縣志邑紳李維垣會同邑諸生舉其儒行述具呈辭作自訟詩以寄之其爲人恬淡不博聲譽類如此述兄弟四人述最幼伯兄上達叔兄上遇皆有聲庠序至述而尤稱白眉焉性嚴重不苟訾笑而冲虛謙退絕無惡慢於人年五十五卒陳管字雪嶺永清季子歲貢生性高潔志趣風雅工書善畫好爲詩歌初爲名諸生數試有司不利遂絕意進取製遠遊冠遇佳山水輒流連憑弔不忍去晚年學道慕韋應物之爲人居常閉戶焚香席地而坐罕與俗接意有所觸惟以詩畫寫之曾孫守元以拔貢

永平府志

卷六十二列傳

文學上

一二十四

官刑部主事亦有文名

周之輔字翼公樂亭人工古文一時遠近碑版傳志多出其手少年緣事不得應試而孜孜學問至老不衰制義精潔簡當得嘉隆宗派

張琨字荆獻樂亭人少負俊才好諧謔理語莊論一出其口便增別趣文章恣肆奔放沛然莫禦爲諸生試輒冠軍文宗按臨同人皆爲避舍

李侃字士行灤州人歲貢生潛心嗜學得廉閩宗旨凡所撰述皆可師法然不喜存稿門下多知名士歿後有代爲刊行者其相悅服如此

闕永年樂亭人歲貢生博學強記借書讀之一覽輒終身不忘所著詩賦四六甚富

孟柏年字新甫灤州人廩生甘貧力學手著學庸論語講說藏於家

傅漣字敬齋臨榆人歲貢生選高邑縣訓導不就以讀書自娛邃於理學辨朱陸異同獨得其微生平不干外事門無雜賓書法追摹晉人而不襲其貌清剛之氣隱見於鉤勒操縱閒晚年尤喜作行草人多珍藏之卒年八十三

佟文光長白人廩貢生屢試棘闈不售其家累世勳舊

永平府志

卷六十二列傳

文學上

二十五

卜祖瑩於灤之城西遂寄居焉博聞強識於學無所不窺手訂有怡心錄四帙

